

壬癸志稿七

太倉錢寶琛伯瑜輯

同里

葉裕仁涵溪  
季錫疇崧耘  
趙兆熊耳山  
畢庭杰雄伯

參校

人物

太倉州

耆碩

元

顧德號可軒繇崇明徙太倉課耕嗇用事親極甘旨讀書恥營進延祐初州遷太倉廟學未建德捐椒園地八畝成之卒趙孟頫銘其墓

壬癸志稿

耆碩

明

張炯字鑑翁家饒親黨賴其周濟靡不盡力

陳機字靜庵洽次子永樂間舉秀才授沛縣教諭未赴會父洽殉難交趾遂絕意仕進構鳳村竹舍集子弟絃誦其中鄉里化之卒年七十八

劉樸字宗實智子嘗芒鞋竹杖放歌行吟足不入城市藏書充棟隨意繙閱優游以老

金履字士行少為諸生攻苦力學父母歿遂絕意仕進陸容稱其用足而恆克儉之心識博而安欲訥之訓時謂知言

桑琳字廷貴好學善書法性恬淡不邇聲色早歲喪偶遂不娶少喜黃老術老益修習平生未嘗入公府子悅見文學傳

毛弼字維忠先世自河南來仕崑山遂著籍弼素習儒業通經義人稱北巷毛夫子孝友謹慎嘗獨居有鄰婦奔之正色叱去家貧遺田悉以讓兄年九十孫澄登第益謙謹躋百歲巡撫彭澤爲建人瑞坊

毛鳳字應韶惇樸嗜學五十年衡門塊坐爲鄉閭師年八十餘人稱耆舊

陸昊字拙庵貢生成化八年兄晷官刑部奉母赴都就養遇例錫禮部冠帶榮身昊事親孝篤友愛治家餘閒適情翰墨常戒子曰吾祖宗以清白相遺積財適爲累耳當積善以爲裕後計卒年六十一

王佐字翼之歲貢生授武學訓導性行端恪與人和易人親之無間年八十七卒

龔涵字時化歲貢生選授均州同知尋乞養歸嘗作公恕廉勤慎獨五箴以自省語皆簡切可誦

王元爵字尊馭錫爵從弟萬厯年間錫爵被存問命元爵齋奏入謝授中書科中書擢侍經筵冊封慶藩充副使餽遺悉絕居家畱心水利議濬婁江諸幹河桑梓賴

之祀鄉賢

吳轍字希由以歲貢授東昌訓導丁艱服除調茶陵茶陵去省遠知州赴省轍當攝州事辭曰吾官故閒冷不可使暫熱以違吾志也御史王某與轍善匿不見及薦陞綿州學正竟挂冠去

張翼之字爾謨性長厚喜施予萬厯間吳中大侵翼之具糜於衢不繼則減價糶嘗脫富人許某於死贖鄰人朱某於奴兄尙書輔之性嚴重家庭肅若朝典子弟參謁不少假辭色翼之曲意謹事之課子十人皆成名泳溥王治俱有傳

壬癸志稿

耆碩

三

陶鎔字汝陶以歲貢生授宜興訓導後陞杭州教授不赴性至孝舉動方嚴喪葬享祀一循朱子家禮居鄉執經者滿戶一以躬行爲訓嘗謂其子曰汝父無他長惟不談人過不遂己非衣謝文綺食不厭藜藿財無苟得色無邪視而已卒年八十五子鴻祚有傳

張鳳翼字伯鳴諸生幼奇慧讀書不事章句事親孝終身孺慕與弟友愛太嘉兩邑議濬鹽鐵河久不決鳳翼慷慨陳形便謂嘉定主其役太倉佐之貼工費銀二百有奇眾皆服遂刻石爲例家故貧遇人危急竭力以濟卒年六十子采有傳

陳三錫字紹咸洽九世孫少通經史負幹濟才時州郡徵輸責成總甲輸者必破家三錫請於當事竟免尤敦族誼凡內外婚喪悉方任之甲申後隱居不入城市知州白登明以鄉飲禮賓之力辭不出卒年七十三

國朝

陸兆允字孺開少孤好學力田敦本建家祠置祭田以所得嗣產分給族人兩舉鄉飲賓年八十卒子陞榮孿生榮性孝友擅文名拔貢生陞子蔚諸生亦有厚行

張曾愈字濟臣廩生幼從父震亨自崑山徙太倉性謹愿好讀書與一時名雋結玉峯十五子社徐乾學時未

壬癸志稿

耆碩

四

第尤爲莫逆乾學貴顯招之不往隱居劉河不飾名不競利澆花種秫怡然忘老兩舉鄉飲大賓年八十四卒子介眉由學博仕至工部郎中歷官四十年家貧甚於未仕時

錢坪字青柯桓孫諸生著格天集以訓世力行善事至老益勤年八十有八病革作偈而瞑諸子皆純行孝謹兩孫濬澂皆舉人

王時雋字秀升璣子嫺詩古文辭性醇厚族子貸金將死以田償時雋曰如後事何給直以殮嘗卻婦家贈產拾遺金以還其主晚號省微子舉鄉飲賓卒年八十一

子拱字紫中年十三補諸生力行善事夏櫛冬棉施捨不倦

王時縉字武立讀書不事章句父珩貧而多子時縉乃棄儒服賈以衣食諸弟從弟幼孤爲支持門戶歷久不倦戚趙某卒爲經紀其喪扶植孤寡性方直子姓咸敬憚之年七十二卒

陳炅字穎永性敏捷爲文章操筆立就康熙五年舉人選武進教諭常州郡饑炅分司賑務規條井井改高郵學正黃淮決捐金煮粥以餉士子告歸後嘗著敝衣冠往來避中道雖耄不乘肩輿人叩之曰有臨之在上者

壬癸志稿

耆碩

五

心常兢兢耳

包汝弼字石公性誠實與人坦易歲祲發困助賑蘇州知府陳鵬年表其閭舉鄉飲賓

胡觀韶字允諧以歲貢生選靈壁訓導教授有法深得士心以疾歸力行善事年九十二卒

楊子龍字西士州增生與庶弟三人相友愛尤喜周濟里中有善舉輒先捐助年八十一無疾卒

顧宏沛字天霖諸生少豪雋重然諾中年益修內行醅謹敦睦五世同居邑中舉善事輒推領袖康熙四十六年姦民潛結爲亂宏沛言之當事遏其萌邑民得無罹

禍某守初至任宏沛昌言逋賦宜緩徵守疑有私及核徵冊宏沛合族無欠益歎其公年八十四卒子陳埒見列傳

陳涑字就列諸生研精經術性孝友執親喪茹素三年哀毀過禮撫孤姪福逾巳由福字全五能文章雍正十一年進士官元氏知縣曾孫士彪原名塏樸學篤行畱心撰述著有州志備采蘇松田賦考

陸溥字乾如陳瑚孫初瑚子邀嘗爲陸羲賓後邀生溥因仍冒陸姓時瑚遺書散佚不可考溥搜羅編輯歷四十餘年而復完張清恪伯行撫吳時訪求屬邑先賢遺

壬癸志稿

耆碩

六

書溥持全集入謁爲刊講學全規及文集數卷年老無子貧困而卒

錢一清字宇瞻桓玄孫幼穎異長擅文譽兩中副榜遂淡於進取偕兩弟奉母以色養稱承先志創宗祠誠子弟以忠恕卒年五十四

胡嵩字右階雍正元年舉人榜姓陸早孤事母以孝聞性介潔不妄交人稱狷者

錢渭字應清桓玄孫監生秉性坦易尤尙敦睦教養從祖遺孤且爲婚娶戚友有不能殮者經紀其喪病亟取親故借券數十紙悉焚之卒年八十四子文梓有傳

王筵字侍經以康熙己酉生至乾隆戊子歲歿壽百歲家故貧筵勤操作務節儉六旬後衣食粗給弟欽文貧乏資其養贍鄰里稱之

邢鳴珮字德音信實謙恭與兄鳴球共理家事相友愛乾隆二年巡撫邵基以碩德具題 詔賜八品銜

張月鹿字思遠諸生事親色養喪祭無違禮祖祠向在鎮民橋旁土豪欲佔其地白於巡撫禁止之平生敦睦親族有古人風卒年七十二

林晃字啟明歲貢生少有雋才持躬敦厚叔穎秀老而無倚晃迎養之歿後撫其孤孫成立年七十四卒

壬癸志稿

耆碩

七

曹扶蒼字鴻儀諸生賦性夷曠泊聲利嗜詩文居家以孝友忠厚訓子孫卒年八十七

毛成肅字孝則監生事親能養志時伯兄之玉入翰林成肅偕仲兄恪循子職得堂上歡好施予族黨以困乏告必周卹之無吝色卒年八十

呂徐行字子循歲貢生家貧好學工文章親老授徒以供甘旨兄歿後撫其遺孤教養如己子敦睦宗族人無間言卒年七十一

王莢字大容乾隆十二年舉人力學嗜古以經藝教授里中稱名師性敦篤居喪哀毀宗族稱之年七十餘卒

柴熙元字近愚諸生爲人醅謹謙和好行善力不能必  
愆恩有力者爲之居沙溪乾隆二十年歲褫官設粥廠  
竭力襄事瘞棺之無主者年躋大耋猶拈時藝以課其  
孫卒年八十七

李學字仁山監生父維德以節儉起家力行善事慎交  
游推誠相與然諾不欺學有父風見人緩急周恤之晚  
年益敦善行延師教子曲盡禮敬子錫恭錫信錫瓚錫  
惠錫晉見文學傳

應經營字剛中諸生先世自元時由浙永康徙居州之  
鶴王市經營人品端慤家貧教授鄉里非其義一介不

壬癸志稿

耆碩

八

妄取人有以匱乏告者餅有儲粟輒分與不少各年七  
十餘卒子嘉穎清介自守晚舉鄉飲年八十餘卒孫伸  
蒙諸生立品如其祖父云

王國瑛字德華諸生讀書敦品持身不苟兼知醫理子  
鉅見文學傳

陸九磬字貽則歲貢生事親孝與人交久而能敬屢試  
不遇學益精粹嘗膺淮關監督之聘贊修關志稱博雅  
卒年六十九子廷欽能守先業

楊瑞華字蔭年諸生讀書砥行以貲授中書科中書性  
孝父患風痺晝夜扶持衣不解帶者三月父母歿號痛

慘怛哀感行路兄歿撫孤姪如子與人交坦易無城府  
尚氣誼或以緩急告傾囊贈之舉鄉飲大賓辭不就子  
雲煜別有傳雲翊廩貢生候選訓導雲寶增生

毛濟美字稼夫與其友王朝紳募捐相葬局歲埋骼以  
數百計至今踵行弗替

錢元熙字履吉文梓子乾隆四十四年舉人性恬澹不  
慕榮利平生以典籍自怡規言矩行絕口不談人過嘉  
慶元年舉孝廉方正 賜六品頂帶截選知縣改歙縣  
教諭數載卽引疾歸卒年七十子襄字皋謨廩生穎敏  
能文兼工書法每試輒冠軍年僅四十餘卒

壬癸志稿

耆碩

九

戴繩武字鳴皋居沙溪幼承父訓以行善爲事鄉里稱  
戴善人知州張作楠廉其實給額以旌

錢錫榮字守仁諸生幼孤且貧母茹苦撫之稍長授徒  
得脩脯養母母歿請旌於 朝姑適徐基早寡無子基  
弟其外舅也亦無子歿後皆任其喪葬春秋爲之展墓

壬癸志稿七終